



Broj: PD-155/22

Sarajevo, 4. 7. 2022. god.

PRIMLJENO: 04-07-2022			
Organizaciona jedinica	Klasifikaciona oznaka	Redni broj	Broj prijava
01-	50-1-	1068/	22

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

n/r Predsjedavajućem

U skladu s članom 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, broj 79/14, 81/15, 97/15 i 78/19), upućujem poslaničku

INICIJATIVU

kojom se zadužuje Vijeće ministara BiH da hitno pripremi i u parlamentarnu proceduru uputi dopunu Zakona o plaćama i naknadama zaposlenih u institucijama Bosne i Hercegovine („Službeni glasnik BiH“, broj: 50/08, 35/09, 75/09, 12/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17 i 25/18) na način da se dodaje novi član 7c. koji glasi:

„Izuzetno od člana 7. ovog zakona za obračun plaća izabranih i imenovanih lica, čiji su platni razredi i koeficijenti utvrđeni u članu 8. (Platni razredi i koeficijenti za izabrana i imenovana lica), članu 8a. (Platni razredi i koeficijenti za poslanike i delegate u Parlamentarnoj skupštini Bosne i Hercegovine i članu 10. (Platni razredi i koeficijenti za izabrana i imenovana lica Predsjedništva Bosne i Hercegovine i Vijeća ministara Bosne i Hercegovine) ovog zakona, koristit će se osnovica u iznosu od 475,69 KM.“

Obrazloženje

U Zakonu o Budžetu institucija Bosne i Hercegovine i međunarodnih obaveza Bosne i Hercegovine za 2022. godinu utvrđeno je da će se obračun plaće vršiti po osnovici u iznosu od 475,69 KM za šest mjeseci i po osnovici u iznosu od 535,00 KM za šest mjeseci, u skladu s Odlukom Vijeća ministara Bosne i Hercegovine („Službeni glasnik BiH“, broj 23/22).

Na taj način je iznos osnovice za obračun plaća za narednih šest mjeseci 2022. vraćen na iznos iz 2009. godine za sve zaposlene kojima se plaća obračunava na osnovu Zakona o plaćama i naknadama u institucijama Bosne i Hercegovine.

Radi ograničavanja povećanja plaća izabranim i imenovanim licima ovom Inicijativom predlažem da se zaduži Vijeće ministara Bosne i Hercegovine da hitno pripremi i uputi u parlamentarnu proceduru dopunu Zakona o plaćama i naknadama u institucijama Bosne i Hercegovine na način da se doda novi član 7c. koji bi glasio:

„Izuzetno od člana 7. ovog zakona za obračun plaća izabranih i imenovanih lica, čiji su platni razredi i koeficijenti utvrđeni u članu 8. (Platni razredi i koeficijenti za izabrana i imenovana lica), članu 8a. (Platni razredi i koeficijenti za poslanike i delegate u Parlamentarnoj skupštini Bosne i Hercegovine i članu 10. (Platni razredi i koeficijenti za izabrana i imenovana lica Predsjedništva Bosne i Hercegovine i Vijeća ministara Bosne i Hercegovine) ovog zakona, koristit će se osnovica u iznosu od 475,69 KM.“

Na osnovu predložene dopune Zakona o plaćama i naknadama u institucijama Bosne i Hercegovine od obračuna plaća po novoj osnovici od 535,00 KM izuzela bi se sva navedena izabrana i imenovana lica, a njihova plaća bi se i dalje obračunavala po dosadašnjoj osnovici u iznosu od 475,69 KM. što znači bez povećanja plaća.

Dostavljeno:

1. Naslovu,
2. a/a.

POSLANIK
PREDSTAVNIČKOG DOMA
Jasmin Emrić